



Na osnovu člana 38. Statuta Općine Hadžići (Službene novine Kantona Sarajevo“ broj: 15/09, 17/12, 10/13 i 14/13-ispravka, 11/18 i 1/20) i člana 3. Odluke o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Hadžići broj: 11-11-3-4609/25 od 15.04.2025. godine, člana 10. Odluke o izvršavanju budžeta Općine Hadžići za 2025. godinu (Službene novine KS 2/25), te na osnovu Strategije prema mladima Općine Hadžići 2024 – 2028 (Odluka o usvajanju 01-02-16673/23 od 28.12.2023. godine) načelnik Općine Hadžići putem Službe kabineta Općinskog načelnika, raspisuje:

JAVNI POZIV

Za raspodjelu sredstava iz Budžeta Općine Hadžići za finansiranje i sufinansiranje projekata mladih u 2025. godini

I

Raspisuje se Javni poziv za prikupljanje prijava za finansiranje i sufinansiranje projekata mladih u 2025. godini. Ovaj program planiran je u okviru Strategije prema mladima Općine Hadžići 2024-2028, te Strategije razvoja Općine Hadžići 2024-2028- i to:

- STRATEŠKI CILJ 2 – Unaprijeđen kvalitet života građana sveukupnim društvenim napretkom.

II

Pravo učešća imaju: omladinska udruženja sa sjedištem na području općine Hadžići, udruženja/fondacije/institucije koje rade sa mladima i imaju sjedište na području općine Hadžići ili se njihova Odjeljenja nalaze na području općine Hadžići.

III

Aplikanti podnose prijavu sa dokumentacijom na Javni poziv Komisiji za dodjelu grantova za mlade (u daljem tekstu Komisija), a putem Službe kabineta Općinskog načelnika.

Prijava sadrži:

- popunjen prijavni obrazac - prijedlog projekta, kojim udruženje/fondacija/institucija aplicira za dodjelu sredstava, s jasnom definicijom ciljeva, ciljne grupe, očekivanim rezultatima, aktivnostima, detaljnom specifikacijom troškova, vremenskim planom provođenja aktivnosti, načinom praćenja realizacije projekta,
- rješenje o registraciji (ovjerena kopija),
- uvjerenje o poreznoj registraciji (ovjerena kopija),
- transakcijski račun (kopija ugovora s bankom ili potvrda banke),
- potvrda Sportskog saveza Kantona Sarajevo o upisu u matičnu evidenciju sportskih organizacija (potvrda se odnosi na sportska udruženja),
- za projekte koji se provode u školama dostaviti pisanu saglasnost direktora škole.

Kriteriji za ocjenu podnesenih prijava su navedeni u Odluci o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Hadžići (u daljem tekstu Odluka).

a) Pozitivni kriteriji

- Da je projekat usklađen sa Akcionom planom iz Strategije prema mladima općine Hadžići 2024 – 2028 po jednoj ili više oblasti, a koje su:
 - *1. Podrška projektima neformalnog obrazovanja djece i mladih sa teškoćama u razvoju;*
 - *2. Promocija kulture, kreativnog i umjetničkog stvaralaštva na području općine Hadžići;*
 - *3. Zaštita životne okoline i podizanje ekološke svijesti kroz ekološku edukaciju i aktivizam;*
 - *4. Projekti koji doprinose uključivanju svih kategorija mladih u sportsko- društvenu sferu života s ciljem jačanja sportskog duha kao značajnog aspekta u razvoju zdravog načina života mladih;*
 - *5. Implementacija sportskih tehnika u rehabilitaciji osoba (djece i mladih) sa invaliditetom i psihosocijalnim smetanjama;*
 - *6. Projekti koji podižu svijest o prednostima i nedostacima društvenih mreža kao i njihov uticaj na mlade i prevencija cyber nasilja među mladima i djecom;*
 - *7. Projekti koji educiraju mlade o prevenciji bolesti ovisnosti, igrama na sreću i sl;*
 - *8. Podrška projektima koji doprinose unapređenju položaja mladih – kroz organizovanje obuka/treninga/radionica u cilju promocije volonterizma, društveno korisnog rada, timskog rada, značaja socijalne i ekonomske inkluzije;*
 - *9. Projekti koji educiraju mlade o sigurnosti saobraćaja i prevenciji saobraćajnih nezgoda;*
 - *10. Projekti koji doprinose podršci mladima u riziku od neželjenog ponašanja, kao i unapređenje mentalnog zdravlja mladih;*
 - *11. Projekti koji doprinose povećanju svijesti mladih o važnosti obavljanja ginekoloških pregleda, reproduktivnom zdravlju, spolono prenosivim bolestima i sistematskim pregledima;*
 - *12. Projekti koji doprinose povećanju tehnološke i informatičke pismenosti mladih;*
 - *13. Projekti koji promoviraju čitalačke navike mladih.*
- da se projekat odnosi na sve kategorije mladih općine Hadžići i da će se provesti na njenom području;
- da je jasno definirana ciljna grupa i da obuhvaća veći broj korisnika usluga s jednakom kvalitetom isporuke;
- da su očekivani rezultati mjerljivi, realni i ostvarivi;
- da je projekat održiv, odnosno da se ciljevi i rezultati mogu nastaviti i u budućnosti;
- da angažira ili ima kao ciljnu grupu marginalizirane grupe (npr., osobe s onesposobljenjem, nacionalne manjine, socijalno ugrožene ili druge osjetljive kategorije i grupe)
- da mladi provode sve aktivnosti ili dio njih;
- da je u realizaciju projekta uključeno više partnera, odnosno više organizacija;
- da li je aplikant redovan korisnik budžetskih sredstava ili ne;
- da je budžet realan i u skladu s aktivnostima;;
- da je aplikant upisan u Registar omladinskih udruženja općine Hadžići

b) Eliminatorsni kriteriji

- Projekat nije usklađen sa Akcionim planom iz Strategije prema mladima općine Hadžići 2024-2028.
- Projekat se ne odnosi na dobnu skupinu mladih od navršanih 15 do navršanih 30 godina starosti;
- projekat nije dostavljen u naznačenom roku;
- nije ispoštovana procedura za pisanje projekta, odnosno prijavni obrazac nije u potpunosti popunjen ili nedostaju ključne informacije o projektu;
- nedostaju formalni uvjeti za kandidiranje projekta (nepotpuna ili netačna dokumentacija);
- sve aktivnosti se događaju van općine Hadžići;
- projektom se podržava rad političke stranke;
- projekt ne promovira rad s mladima, politiku prema mladima i volonterizam,
- projekat se odnosi na finansiranje redovnih aktivnosti podnosioca projektnog prijedloga,
- projekat se bazira na kupovini i nabavci opreme izuzev ako je ona neophodna za uspješnu implementaciju kandidovanog projekta;
- projekti udruženja koja nisu izvršila svoje obaveze – blagovremeno dostavila narativni i finansijski izvještaj za prethodno odobrene i finansirane projekte u 2024. godini.

Komisija će utvrditi da li su zadovoljeni uslovi iz Javnog poziva i Odluke, te će nakon provedenog postupka dostaviti Općinskom načelniku prijedlog odluke o raspodjeli sredstava.

V

Prijave na Javni poziv podnose se u zatvorenoj koverti sa naznakom »NE OTVARAJ« - prijava na javni poziv za raspodjelu sredstava iz Budžeta Općine Hadžići za finansiranje i sufinansiranje projekata mladih u 2025. godini, na protokol Općine Hadžići lično ili putem pošte na adresu: Općina Hadžići, Služba kabineta Općinskog načelnika, Komisija za odabir projekata za mlade, ulica Hadželi br. 114, 71240 Hadžići, sa naznakom podataka o podnosiocu zahtjeva (naziv, adresa, telefon i dr.).

VI

Rok za podnošenje prijava po ovom Javnom pozivu je **15 (petnaest) dana** od dana objavljivanja na web stranici Općine Hadžići www.hadzici.ba i oglasnoj ploči Općine Hadžići. Prijavni obrazac sa pratećom dokumentacijom može se preuzeti **isključivo putem web stranice** Općine Hadžići www.hadzici.ba

NEPOTPUNE I NEBLAGOVREMENE PRIJAVE KAO I PRIJAVE APLIKANATA KOJI SU BILI KORISNICI SREDSTAVA SA GRANTA PROJEKTI MLADIH A NISU BLAGOVREMENO DOSTAVILI ADEKVATNE FINANSIJSKE I NARATIVNE IZVJEŠTAJE O UTROŠKU SREDSTAVA, NEĆE BITI UZETE U RAZMATRANJE.

Pripremila: Mirela Dupovac

Broj: 11-11-3-4610/25
Hadžići, 15.04.2025. godine

OPĆINSKI NAČELNIK

Eldar Čomor, prof.